

建德縣志卷二

輿地志二

星野

分野考

書傳禹貢揚州天文分野以其地屬斗牛女三宿

周禮保章氏注斗牛女為星紀揚州分星吳越也

爾雅星紀斗牽牛吳分野

前漢書天文志斗江湖牽牛婺女揚州

前漢書地理志吳地斗分野今之會稽九江丹陽豫章廬江廣陵

建德縣志

卷之二

輿地
星野

一

六安臨淮郡盡吳分

後漢書郡國志自斗十二度至婺女七度為星紀之次於辰在丑

吳越分野屬揚州

蔡邕月令章句自斗六度至須女二度為星紀之次越之分野

晉天文志州郡躔次陳卓范蠡鬼谷子張良諸葛亮譙周京房張

衡並云九江入斗三度廬江入斗六度丹陽入斗十六度豫章入

斗十度

按池屬六邑貴池青陽銅陵石埭舊屬丹陽建德東流舊屬

豫章

隋書揚州在天官爲星紀於辰在丑吳楚得其分

唐書天文志南斗牽牛星紀也在雲漢下流當淮海間爲吳分

明史天文志自斗三度至女一度星紀之次也南直隸所屬之池州府屬斗分

國朝時憲書星紀之次起箕二度半至牛初度八分

斗星考

南斗六星本北方宿朱子云夏秋間見于南方故名星經斗六星狀如北斗一名天府二名天關三名天機乃日月五星正道主天子壽命亦曰丞相太宰之位酌量政事之宜褒進賢良授爵祿又

建德縣志

卷之二

輿地
星野

二

主兵星明盛則王道和平帝王長齡將相同心

史記天官書南斗爲廟

晉書天文志南斗六星天廟也丞相太宰之位一名天機南二星魁天梁也中央二星天相也北二星杓天府庭也亦爲壽命之期也

宋史天文志南斗第一星曰北亭一曰天開

五禮通考引
宋史作天關一曰鐵鑽

石申曰魁第一主吳二會稽三丹陽四豫章五廬江六九江

按建自鄱陽析屬豫章

天皇會通斗宗廟酌酒器也爵人必于朝故主薦賢良而受爵祿

斗星度數考

漢永元銅儀斗二十四度四分度之一

唐開元游儀斗二十六度去極百十六度

景祐測驗斗二十六度距魁第四星去極百二十二度

宋天文斗第三星去極一百一十九度

明崇正天文志斗二十三度五十一分

今測斗二十六度去極百十九度

星紀諸星入斗度數考

按古以斗牛為列宿之首星自此紀故丑曰星紀

建德縣志

卷之二

輿地
星野

三

鼈星入斗五度

古十四星
今十三星

織女星入斗五度

古三星
今四星

天弁星入斗初度

建星入斗四度

狗星入斗十二度

天淵星入斗十七度

天雞星入斗十六度半

狗國星入斗十八度

天田星入斗二十二度

今無

九坎星入斗二十五度古九星今四星

左旗星入斗二十四度古九星今十六星

天桴星入斗二十四度半古四星今二星

漸臺星入斗十度

輦道星入斗十一度半古五星今四星

天津星入斗二十三度

按地圓周九萬里古人以土圭測景則知北極高下與各方氣候不同而里差之法起焉唐志言五百三十餘里為一度今法定為南北二百五十里為一度東西約二百里為一度

建德縣志 卷之二 輿地 四 星野

又八寸尺則二百五十里一度十寸尺則二百里一度據晉

宋史則池之貴池青陽銅陵石埭舊隸丹陽屬斗三星應入

十六度建德東流舊隸豫章屬斗四星應入十度夫貴池與

建德東流接壤何以三星四星度數相遠是其法難準其說

亦未可拘至星點多寡有無古今不同考西法星紀之次天

籥八星農丈人一星天田九星離珠五星今儀象志俱無右

旗九星今八鼈十四星今十三九坎九星今四天桴四星今


一二羅堰三星今二扶筐七星今四輦道五星今四左旗九星

今十六織女三星今四河鼓三星今四十二國十六星今十


繪星圖悉仍古測不惟形象未符躔舍倒置且當有而無當無而有建爲吳地屬斗應專繪斗宿或兼繪斗屬列星至牛女屬星雖同次星紀之舍實與建無涉似不必旁及

星圖

斗宿六星圖



斗屬合象圖



疆域

邑之疆域廣八十里袤一百六十里豐於東南縮於西北東境接貴池沈阮嶺界焉接祁門良禾嶺界焉西境接東流嚴塘界焉接彭澤嵐嶺界焉南境接鄱陽石門界焉接浮梁桃墅嶺界焉北境接東流古港鎮界焉

道里考

縣治距江甯省城水路七百四十里陸路六百三十里

距安徽省城水里一百三十里陸路一百里

距池州府城水路二百四十里陸路一百八十里

建德縣志

卷之二

輿地
疆域

六

東至貴池縣沈阮嶺界水路無陸路六十里

西至東流縣城水路五十里陸路四十里至嚴塘界水路無陸路二十里

南至江西鄱陽縣城水路無陸路二百七十里至石門界水路無陸路一百二十里

北至東流縣古港鎮界水路無陸路四十里

東南至江西浮梁縣桃墅嶺界水路無陸路九十里
至徽州府祁門縣良禾嶺界水路無陸路六十里

西南至江西彭澤縣嵐嶺界水路無陸路九十里

東北至東流縣雙河口界水路無陸路三十里

至貴池縣池口驛水路二百四十里陸路一百八十里

西北至東流縣牽牛嶺北界碑石陸路二十五里

都里附

明洪武初年編為四十九里洪武十四年并三十九里建文四年三十八里永樂元年一十八里永樂十年一十四里永樂二十一年一十二里宣德七年一十一里宏治五年并為九里

國朝康熙二十九年增立二里共為十一里報部徵糧

一都

九都

十一都

十二都

建德縣志

卷之二

輿地疆域

七

十四都

二十五都

二十七都

二十九都

坊市都

三十一都

三十二都

形勝

大江踞其西饒境接其南介於羣山之中既僻且邃山層繞而益

密勢環抱而益阻

夏霖忠勤堂記

前案玉峯後枕象嶺東峯聳秀西山列屏蘭溪左合三源環繞而

右曾於長流

舊志

天馬南來丹雲結秀蚓河西流玉帶紆文

舊志

西山橫列烟雲連綿日月焜耀態狀萬千前後俯仰皆山而獨西

山爲最勝若與東南諸山相拱揖者

馮勉茹
蘭亭記

良禾嶺路達祁門嶺高徑狹是以鄰雖震警邑罕有罹其災者

北臺山平原突起如臺爲邑下關水口鎖鑰

羅山東峯望大江如髮瀰漫百數十里東南二坑爲兵燹所弗及

廣陽山爲邑治來脈欽巖屹嶺人跡罕到居民所藉以避兵者

以上

江桓山
川記

地接鄱陽山重嶺複元末羅友賢據之有神山砦

明末泥灣土人依水口爲守禦有泥灣砦

本朝順治間柵良禾嶺昭潭汎以討山賊

以上
府志

建德縣志

卷之二

輿地
形勝

八

土門城兩山對峙一線中通門可當轅土以作壘外繞大河天然

險隘

宛三奇土
門城記

建德與鄱陽接壤地多空曠贛瑞閩廣之盜所出沒如登陸則池

之建德徽之祁門可以四達兩邑宜設戍以譏寇盜

孫承澤春
明夢餘錄

山

白象山 在縣治後數十步卽後山宋周必大曰以縣治正倚此

山故也山之巔有朝峯亭山之半有半山亭後卽半山亭址改建

梅公亭山之旁有脫龍洞俱見古蹟

灣濤山 在縣東一里

雞鳴山 在縣東二里

紙坑山 在縣東二里

寶峯山 在縣東二十里巖中有石如佛

陽鳥山 在縣東二十五里下有洞有潭宋度支郎李植墓在焉

橫山 在縣東三十里方正如屏山半有泉亢旱不竭有洞名槐

花廣數十步

列疊山 在縣東華蓋山北其山列疊盤旋故名

孔尚豫列疊山

突兀無縫石到來小有天平疇香稻熟曲徑細波穿
茆舍斜通寺山農半講禪坐看明月上空際自騰蹇

建德縣志

卷之二

輿地山川

九

華蓋山 在縣東三十里上有龍池書院舊址下有魚龍洞又名

筆架山

五龍山 在縣東三十里五峯林立山半有石井名化龍池邑人

柯暹記今佚

柯日東五龍山化龍池

潛龍天數五分池共一邱水色千年淨山名萬古留
護珠應有待奮甲豈終休際會當何日甘霖沛九州

洪家山 在縣東二十里其山溪潮水見古蹟

田北山 在縣東三十里

留山 在縣東三十里前山互峙二水合流若留注然故名上有

葛仙壇留山寺鐘俱見古蹟

青龍山 在縣東三十里

玉筍山 在縣東四十里

筆頭山 在縣東四十里

堯城山 在縣東十里路史曰池之建德東十里有堯城山南二

十里有堯城堯祠堯巡所至梁武于此立太原城

大羅山 在縣東四十五里最險峻有石柱嶺踰嶺卽小羅山

孔尙大大羅山

山勢兀岑寂河流滾沸喧一溪迂百渡複嶺嵌孤村分嶂鳴紅雉投林剩黑猿濕雲春易雨濁霧晚先昏地鑿千重險行瞻一線天三春常食葛六月可披綿鋤

建德縣志

卷之二

輿地山川

十

外無農器囊中盡客錢採茶邨女出笑壓野花鮮

鳴山 在縣東五十里北山村之南其東峯有龍井二西峯有泉

從石罅出作鏗鞳聲

了髻山 在縣東五十里

葛公山 在縣東五十里葛公鎮舊傳葛洪煉丹處

烏鴉山 在縣東六十里葛源王村之北

天馬山 在縣東六十里

虎形山 在縣東六十里

象形山 在縣東六十里

良禾山 在縣東六十里

鼎華山 在縣東六十里秀巒層聳故名

魚龍山 在縣東六十里

鐘山 在縣東六十里

玉峯山 在縣南半里許山石光瑩如玉為縣治前屏舊名峯子

山曰玉峯者梁昭明太子所命名也其上有壽字崖福字崖其麓

有茹蘭亭五老亭節孝亭俱見古蹟

明徐紳登玉峯

邑有玉峯高可攬結峯下茹蘭溪清澈若鏡登歷所至私有託盟情見乎辭云爾

縣僻山作城衆峯轟寒玉水清石齒齒蘭芳滿幽谷中有素心人採蘭深澗曲時復躡崇巘曠然騁遐矚濯纓諒在斯振衣良非局緬懷蘇門生長嘯天地緣

建德縣志

卷之二

輿地山川

十一

本朝洪度汪九日登玉峯得想字

幾憶客情深鄉山夢一往况復菊花開遂伴從清賞長嘯南山巔北山遙答響今年人且閒今朝天亦爽擔頭酒一尊郭外山一丈雨餘巖陰滑穩支筇竹杖但使人長健酒力宜勉強披襟發浩歌笑言多慨慷脫帽雜僧行西風吹我頰谿水何潺湲遠峯亦蒼莽薜蘿隱屐痕依稀幽蘚上應念昔遊人相視發遠想

李和齡上玉峯二之一

石骨岫隣聳翠巖巍然一障出東南龍脚舊勅歸雲井 上有九龍井舊封宛然俗傳揭石蓋則雷雨驟至 蟲蝕荒文老壽龕 嶺半有壽字圍徑丈餘 碧水東流和荻白青山北郭照楓丹欲觀

高風在何處梅嶺梅亭影互參

楊國幹九日香巖叔招遊玉峯山

經過東籬啓絳紗旋登南麓眺晴霞一灣白水亂漁艇萬疊青山歸畫家帶雨葭林收藥籠著霜楓葉墜天葩倒尊花下師兼弟可得風流似孟嘉

李仁齡玉峯賦

維須彌之胎孕兮度閩粵而跨吳東何天都之蜿蜒兮紛蒸霞而騰虹爰建標于石
城兮撐一臂於崑崙毓青氣乎十仞兮縝以栗者輝韞之骨溫而潤者煥發之容疇
嘉名之肇錫而字之曰玉峯蓋其嵯峨瑱瑱駁犖器車礪礪綵岑嶠嶠無瑕峨峨奉
璋每崢嶸夫珂里球球瓊弁永嶽峙乎冰衙弗琢而瑩匪磨斯淨緲緲兮擬姑射之
仙子皎皎兮若空谷之伊人响麟兮筭列李公之班高朗兮臺下溫郎之鏡惟雕鏤
之不煩故榮名之莫靳爾乃瓊巖揚鸞岷岡黼繡靈璧比色兮石齒乳窟之漿兮泉
溜濯桃洞兮源瑤茹蘭水兮刮垢楓染霜而琪樹華松咽風而瑤琴奏昂藏兮峽護
驪龍之淵玲瓏兮崖勒呼嵩之壽當其曉烟蒼翠午籟琳瑯返照深碧湛露熒光疑
桂殿兮走白兔而遐顧比瑤池兮驚青鳥而高翔乃若巖花肆發五采紛綴奇峯蒸
雲耀晶飛屑揚明輝兮碾素秋挺孤秀兮歌白雪若夫瑕之赤兮引朝霞而東倚瑤
之葱兮瑤畫筆而北指南望兮滴水映以晶簾西捲兮梅山貢以瓊蔬雲峯曠其璵
龍銅魚遜其砥礪於是遊人學士結侶攀尋扶筇石室攝屐金庭梁儲誅茆而憂石
梅令壁立而飲水紫陽來兮鷺嶺昭普門之篆志南去兮堯城渡古木之陰况自唐
宋以迄于今靡弗收琳瑯而藏寶篋鳴蒼珮而奮翰音嗟乎山之名者三百矧其支
也三千日觀橫帶天柱連延陽宮之堂高廠岱宗之几空懸寒月入瓊樓之夢藕花
開華井之蓮豈第毓峨嵋之三秀露馬耳之雙尖若茲峯也豈不藐焉然而陬鄉巖
郭間秀鍾特竊德琮璜私珍突兀安非砥砢之資遙憶他山之石詎知田夫見怪匹
夫懷璧美匪獨彰名以人立九華賴李白以流徽齊山借杜牧而揚幟匪微顯而闡

建德縣志

卷之二

輿地
山川

十二

天馬山 在縣南半里玉峰連岫

南臺山 在縣南一里

官池山 在縣南二里下有池屬儒學水利

東山 在縣南八里

藕山 在縣南三十五里爲步頭村枕山泉壑幽異邑紳檀良翰
築有別業

南豐山 在縣南三十五里步頭村前三山並列勢如筆架兩泉
合流有灌溉功

筆架山 在縣南三十五里五峰森立如筆架
乘龍山 在縣南三十五里相傳有仙乘龍去
相公山 在縣南三十五里一在縣南五十里
將軍山 在縣南四十里
龍腦山 在縣南四十里有九峯石筍有大圓石有仙人跡有醴
泉雖旱不竭土人常于此求雨

柯邏望龍腦山

乾坤同老大頭角自崢嶸石疊金堆甲煙分墨點睛
日從頭上出雲向足邊生極目閒中眺良工畫不成

吉祥山 在縣南四十五里四山壁立中有平原

建德縣志

卷之二

輿地
山川

十三

九鳳山 在縣南四十里

三面山 在縣南四十里有石筍白如人面者三故名

馬鞍山 在縣東半里一在縣南三十五里

柯邏馬鞍山

不勞雕斲力高架碧雲邊香襯花纏錦銀蘄草砌甃
紅光搖落日紫氣帶晴烟借問誰收拾乾坤一擔肩

隱山 在縣南七十里

政坑山 在縣南五十里

礦坑山 在縣南五十里有宋時古寺

斜溪山 在縣南五十里有石徑長里許崔嵬直上

遶山 在縣南七十五里

白灤山 在縣南九十里

虎岡山 在縣南一百里

大元山 在縣南一百里

捉鐘山 在縣南一百一十里舊傳普明追失鐘于此

獅子山 在縣南坦頭嶺

龍溪山 在縣南一百二十里

紗帽山 在縣南一百二十里

邊山 在縣南一百一十里鹽田坂之北其潭水通彭蠡有石刻

建德縣志

卷之二

輿地山川

十四

詩云

山留半壁痕如削長作青山畫裏看

鷲臺山 在縣西二里上有羅漢松見古蹟

西山 在縣西三里與梅山相連羣峰秀拔迤邐十餘里

石印山 在縣西七里有洞有池見古蹟

草堂山 在縣西二十里有草堂寺相傳羅隱遺跡

銅魚山 在縣北半里上有方塘活水如畫又有太湖石見古蹟

明胡奇銅魚山

先世圖書舊有聲亂餘誰復齒簪纓池臺樓閣前人事草木禽魚隔代情無復落花堆曲砌惟餘怪石壓層城森森柏幹參天古獨歷風霜耐晚榮

胡光朝銅魚山

一池淺水覆荷花半嶺深篁倚暮霞山色曉來開翠嶂溪流夜聽促鳴笳
隔林烟磬撓昏寺前院風鈴放早衙已是十年勞夢寐從前風月不須賒

本朝高寅攬銅魚山諸景

隆隆旁翼聖人居俗吏閒吟浣簿書白日恒懷依白象銅章喜覩出銅魚
前人已存芟荒者此日甯忘賞翫賦但得無波風自歛倚雲伴月且徐徐

蘭臺山 在縣北一里明邑令徐金星建有蘭臺書院邑人德之

為立遺像于此今廢址猶存

李幹齡蘭臺山觀前賢遺像碑

蘭溪水之號蘭臺山又名總緣芳潔性常共石泉盟
秋水思洄湖高山動景行素心人自遠花雨入春城

北臺山 在縣北二里突起如臺塞縣水口明都斷事鄭鎬墓在焉

建德縣志

卷之二

輿地
山川

十五

宋梅堯臣五日登北臺山望競渡

南方傳競渡多在屈平祠簫鼓滿流水風烟生畫旗
千橈速飛鳥兩舸刻靈螭盡日來江畔誰知輕薄兒

眠象山 在縣北五里

青山 在縣北八里與石印對峙形如獅象為邑治捍門華表

歷山 在縣北二十五里有龍池禱雨輒應有堯舜祠下有舜井

元邑令王晉卿名之曰清泉而亭其上邑人馮勉記之見古蹟

花山 在縣北二十里一峯秀麗插天潯皖大江在望

和山 在縣北三十里下有洞清泉滴溜如磬聲附近有小和山

陶山 在縣北三十里

玉屏山 在縣北四十里

八公在 在縣北四十里

迴龍山 在縣北四十里

文筆山 在縣東南半里許與玉峯天馬二山連岫巽峰得位合

邑文明

太平山 在縣東南二十五里

永豐山 在縣東南四十里有平地五丈許雪不積

石乳山 在縣東南四十里方石高十丈許泉出石頂可資灌溉

密崖在 在縣東南五十里

建德縣志

卷之二

輿地
山川

十六

拍馬山 在縣東南一百二十里

百益山 在縣東南一百二十里

峽山 在縣東南一百二十里

削藤山 在縣東南峽峯村內

原居山在縣東南一百二十里居衆山之上有田數十畝山之巔
有田數畝源流不竭

東坑山 在縣東南一百三十里

鳳鳴山 在縣東南東參村

博陽山 在縣東北十五里宋嘉定間邑令黃丙禱雨有應更名

廣陽至今祈雨仍之有滴水石佛石鯉魚石蚌珠石

宋梅堯臣觀博陽山火

十月原野枯連山起狂燒高焰過危峯飛火入遐嶠玉石被焚灼誰能見輝耀猿獠失輕捷亦不暇相弔長風又助惡怒號生萬竅炎炎赤龍奔割割陰電笑願傾寒江潮勢逆難沃澆願傾天河水雖順雲衢遙青蒿心已爛蔓草根未焦小農候春鋤寒客失冬樵誰知兼并子平陸開肥饒不易天地意長養非一朝

本朝江桓清明日重上博陽峯

廿年鐘磬隱相招樵路蒙茸一線遙龐老携兒因上塚遠公遲客已過橋試來石戶經腰窄峯前石高百丈有罅可通人行予少時經此往來兩山之巔日可數回今不能度矣怪得林容似鬢凋
惟有茶烟泉語在
相陪清話到中宵

香爐山 在縣東北廣陽山左一在縣西南一百三十里

梅山 在縣西南十里有古崇明寺又有松關四亭

建德縣志

卷之二

輿地山川

十七

明洪仲遵遊梅山

一徑縈紆入翠微烟光嵐氣濕人衣野花簇簇青紅間山鳥喳喳來去飛
禪榻香消僧入定齋堂茶罷客題詩翛然自是乾坤別逸興相牽忘却歸

嚴粲題建德縣梅山

公退逢長日清遊到寶坊山圍露天小徑遠引溪長
苔壁晴雲濕松軒暑月涼鐘聲半歸路回首暮蒼蒼

劉之衍遊梅山

石城之西梅山寺崇明古院何相易寺有梅山寺之志山有梅公山之字梅公聖俞留一詩詩亦猶人山亦奇志南隨作開山師柳風杏雨杖藜時晦翁夫子非禪道忽如昌黎逢賈島普門嶺半墨橫掃君庸因而訪梅老此後山空五百年伽藍臥起草中煙顯公飛下匡廬前重扶梅山兜率天古梅坡上大土石滙泉錦崖光四射水月清寒塵無隔天為幽人完窟宅我來訪梅梅不花落
得梅詩寄人牙詩在無花花意賒梅山千古梅公家

龍潭山 在縣西南二十五里上有潭澄清莫測烟雲翳之則雨

鷄籠山 在縣西南六十里

大源山 在縣西南一百二十里一在東南一百二十里新莊保
內

鳳山 在縣西南一百二十里

小源山 在縣西南一百二十里一在東南一百二十里小嶺保
內

椒山 在縣西南一百二十里

青山 在縣西南一百二十五里

會勝山 在縣西南一百二十五里

建德縣志

卷之二

輿地山川

錫山 在縣西南一百二十五里

茶酒山 在縣西南一百三十里

石龍山 在縣西北十里

眠犬山 在縣西北五里

船底山 在二十七都

塔山 在二十七都

崑山 在蛇冲西

赤木山 在蛇冲上有石屏石筍

道仙山 在莊村口

鳳騰山 在大板保內

塔嶺山 在西參有古塔山之巔多異石下臨深潭

劉之行塔兒嶺奇石賦

山不在高而嶺何借名于塔也夫豈驚嶺之飛來物皆可觀而塔何乞靈于嶺也夫豈雁塔之爭開塔雖古而山猶能自古者嶺無奇而石母乃多奇哉賦曰頭角崢嶸兮方山冠之遺像頂則方也胸襟磊落兮鬱輪袍之新裁遍體石也石得山兮磅礴人撫石兮徘徊其偃蹇者似斷虹挂漢其點綴者似殘星映露其聳聚者似象簡抽牙其華暈者似鵝印含胎其左右達者似旗亭翼路其層累升者似城級成階其中窪而可挹注者似受辛之鑿白其細膩而可佩帶者似剛卯之殺改其嶙峋者似龍孫蓋丹青而筍立此石首銳高數丈如笋其婆娑風窩者似虬王繞翠微而毬迴此石最大號獅子石其出巖而如几橫者似誰爛柯而留奕局其飛水而如舟繫者似誰披裘而作釣臺此一大石飛落水面似釣魚臺且也峭如筆而倚危崖者數仞小如房而通曲徑者幾間小洞不一崖之盡則有泉洞焉不知其來也而呀然其口此一大洞有水徑之交則有巖蹤焉不知其去也而踞然其班石上有仙人履跡以至仙杖茁稱于華穀天帚垂頌于商顏由是如樓近水可以觀曲于三三如閣凌空可以拾芳于九九樵叟牧童可以雜聽

建德縣志

卷之二

輿地山川

十九

夫丁丁韻友騷賓亦可以秘窺夫西酉而况乎掃千人之石何問乎生公虎邱有千人石生公說法號生公石展雙士之屏何讓乎雲母雲母石屏也山亦有石如屏井有瀾而在麓山足有小

石井清泉不涸供數十家飲堪抱枕流漱石之清心碑無字而在椒椒山頂也有石直方人謂之無字碑尚待折星弄月之妙手吾將為柳州之狀牛馬與熊羆而賀之以書吾將為峒坡之

登虎豹與蛇龍而歌之以酒

東峯 在縣東五十里卽鳴山之陽有龍井二

望江峯 在縣南十里上可望江下為亭子嶺

舉子峯 在縣南四十里南宋時祁浮舉子上公車由此故名

仙女峯 在縣南五十里山頂有泉禱雨多應一名望江峯為邑

諸山之祖

雲峯 在縣西六里高聳入雲

李幹齡對雲峯

月從山後來雲向山中出雲月無留心青山終不去當窻展書讀雲峯疊疊青山色分深淺吾惟一片心我對雲峯久獨識雲峯意山意却如何不言是真趣兀

對雲峰坐日賦雲峰詩山含詩裏意詩成山不知

峽峯 在縣東南峽山村

筆峯 在祥林村舊名笏子尖

奎峰 在美人坂解元彭應奎有歌今佚

蔡家嶺 在縣東八里

高嶺 在縣東十里

低嶺 在縣東十里勢連高嶺俱為邑東通衢一在縣東南七十

建德縣志

卷之二

輿地山川

二十

五里

石門嶺 在縣東六十里通貴池

大蜈蚣嶺 在縣東五十里狀如蜈蚣由梅樹下通雞頭嶺達貴池徽州

小蜈蚣嶺 在縣東五十里由葛公鎮至七里亭直上過雞頭嶺達貴池

雞頭嶺 在縣東六十里通貴池義民李清遠芳遠倡修

良禾嶺 在縣東六十里通祁浮

孔尚豫良禾嶺

紆鬱千盤衆界殊行行復止不勝紆雲攢峰杪聚還散雨落山腰有似無碧落遙呼疑不隕方州俯闕幾安居詎料高舉凌江表長苦風烟暗隙駒

沈阮嶺 在縣東五十里

吳康嶺 在縣東六十里 與沈坑嶺相連
通貴池堯田

下西嶺 在縣東六十里

鑛山嶺 在縣南十五里

貴衝嶺 在縣南四十里

坦頭嶺 在縣南四十五里

桃墅嶺 在縣南八十里通祁浮

雙溪嶺 在縣南九十里

松嶺 在縣南九十里其下河有石墩高三丈許

楊梅嶺 在縣南九十里

建德縣志 卷之二 輿地
山川 二十一

師源嶺 在縣南九十五里

杉樹嶺 在縣南一百二十里

小嶺 在縣南一百二十里

鄭三俊小嶺

小嶺山頭樵採多隔江人境屢經過
西南界土分黃素清濁音殊聽短歌

斗嶺 在縣南三十里

孔尚豫斗嶺

一山欲住萬山浮浮向簷前共點頭遙睇江心齊勺水這回天地一虛漚
踏壁攀巖人漸移白雲早到暮忘歸身閒到處堪為主不用參禪解學非

安居嶺 在縣南縣二十七都義民葉經創開

佛王嶺 在縣南二十七都

龍塘嶺 在縣西七里上有龍塘蘆菰艾荷如湖中景世傳有龍居焉

石印嶺 在縣西七里與青山對峙下有洞有石壁有印文

查嶺 在縣北十里

牽牛嶺 在縣北二十五里路通東流

中山嶺 在縣東南五十里步頭村捍門

石柱嶺 在縣東南五十里有石柱高數丈

杠墅嶺 在縣東南一百里

建德縣志

卷之二

輿地山川

二十二

洪墅嶺 在縣東南一百二十五里

羅家嶺 在縣東南一百三十里

洋井嶺 在縣東南一百三十里

雄橫嶺 在縣東南一百三十里

橫寨嶺 在縣東南一百三十五里

萬源嶺 在縣東南大板保內東界鄱陽

茶坑嶺 在縣東南一百一十里

梓木嶺 在縣東南一百一十里

普門嶺 在縣西南十里有宋朱晦翁書見古蹟

梅嶺 在縣西南六十五里

新嶺 在縣西南七十里

石痕嶺 在縣西南七十五里大小二嶺相連

嵐嶺 在縣西南九十里

山石嶺 在縣西南九十里

丫髻嶺 在縣西南一百二十里

奴坑嶺 在縣西南一百二十五里

火冲嶺 在縣西南一百二十五里

葛仙尖 在縣東三里官田坂北

建德縣志 卷之二

輿地 山川

鼓架尖 在縣東六十里

雞峯尖 在縣東六十里

桂家尖 在縣南二里相傳有徐公得道丹爐

封門尖 在縣南三十里

劉之衍封門尖記

山者宣也宣天地之氣象而成名也凡山皆然乃有魁梧雄偉卓乎參天地而如人立者則山大奇凡山鮮克肖者而封門尖之山獨肖焉中高而圓者其首旁翼而均者其肩前閎者其胸後昂者其背也夫上有圩似孔子之頂中有纒似文王之乳高大則堯之巍巍嚴毅則孟子之巖巖強壯則后稷之克岐克嶷也且山奇莫奇于成字茲山以字求之觀其上則象如壘楷如品觀其下則象如崩楷如几夫崩合星之三則山其仙乎几合品之一則山其相乎乃若頂也乳也巍巍巖巖而岐嶷也則山有帝王氣象有聖賢氣象奇哉山肖人也或曰山固奇子之言則夸甚余曰否抑知山非獨自奇也蓋取天地之奇而一一收之矣姑言其畧觀夫頂能先雪腰可半雲

牛鬼含烟雞神弄曉雷郎鼓壑虹女盃泉欲岳宥坐斷石驚飛于是則有如環城如列屏如懸鐘如拂幃則有如倚天之劍如嘯風之旗如鈞月之臺如樵雲之梯如虜如虎之在上林如龜如龍之在靈沼又有如碁如書之在玉局如印如戈在黃口之睥盤皆奇也然而則又奇南抵豫章界于石門鹽田間猶回望山巔如椎髻是且千百里外萬嶺中而見之夫亦可知茲山之奇非獨爲西叅第一峰並不但爲石城第一峰然而則又奇數百里外有皖國天柱峯如承蓋乃若東西望而疊嶂層巒名村巨鎮皆如扶輪而走如夾轂而趨如軍壘而降如鹵簿而衛蓋天地之大己不啻吞雲夢之八九而排岳陽之萬千不可言語形容悉也或曰山固奇其爲靈應者幾何余曰則又奇昔者旁嵌有飛來金身聖像大旱禱雨輒應後有竊負而下者則雷擊之虎噬之而山之靈一見明季邑議遷文廟于城西外郊而茲山正朝焉術家以爲此雲霄筆也異日當大魁天下乃踰年孔公遂大拜入相則山之靈又一見嗣是越三十年邑侯復議覺宮移去其移去以康熙癸卯秋而先明經卽于癸卯秋方構一課兒斗室顏曰氣象軒其軒門與茲山最近最親夫近則可以受青眼親則可以問素心而未知山靈又何以爲應也顧山之以封門傳亦久矣余揣山以門名山何門哉必將爲誰氏子之門而云也其言封者何其或有登封兆乎抑或有誥封意乎聞漢武欲登封南岳不果遂以天柱峰代衡岳而還安知異日不可封茲山以代天柱乎若夫誥封則當果爲誰氏之門而云也余不敢知雖然山又奚爲乎於余之門余乃別不盡青笠綠蓑尋孔顏

建德縣志

卷之二

輿地山川

一二十四

望江尖

在縣南四十里小坑山內俯瞰江流如帶

羅筆尖

在縣南一百二十里如筆峯

丫髻尖

在縣南一百二十里

老鴉尖

在縣北爲縣治來脉少祖

中魁尖

在縣東南一百一十里

乘霧尖

在縣東南一百里

障風尖 在縣東南一百二十里

大花尖 在縣東南一百二十里與小花尖相連

赤土尖 在縣東南一百三十里

鳴山尖 在縣東南大板新莊兩保界

三角尖 在縣東北十五里有仙姑廟

陽老尖 在縣西南十五里有西峯禪師像禱雨輒應

四角尖 在小梅鋪之西頂坪可容數千人昔有明王菴遭粵匪

燬光緒四年陳協邦倡捐重建

西峯尖 在縣西南七十五里

建德縣志

卷之二

輿地山川

二十五

黃龍尖 在縣西南一百二十里

貴峯尖 在縣西南一百二十里

魯家尖 在縣西南一百二十里其尖高而秀南望鄱湖西瞻廬

阜北覽長江邑諸山在其東

楊伯尖 在縣西南一百三十里

三層巖 在縣東六十里吳村

滴水巖 在縣東南十五里水結玉筍

駝背巖 在縣東六十里

齊公巖

在縣南四十里

詳通考

獅子巖 在縣南五十里十四都梨樹冲旱年土人於此禱雨

獅石巖 在縣東南四十里形如獅流泉不竭夏涼冬溫患瘡痢者飲之多瘳

徐公巖 在南溪村外有懸瀑禱雨多應相傳徐公修道于此

葛仙巖 在小和山有葛仙像

新華洞 在縣東五里

大龍洞 在縣東二十五里有泉穿山數里灌溉無窮

小龍洞 在縣東二十五里

龍山洞 在縣東三十里內有潛龍蟠屈之跡爪甲隱然又有石

建德縣志

卷之二

輿地
山川

一二十六

鐘石鼓擊之其聲宛似

唐橋洞 在縣東奠龍山

太子洞 在縣東奠龍山蘆冲塢內有石柱石屏相傳梁昭明太子過此

玉獅洞 在縣南桃墅坑鹽包山旁有玉金亭古石觀音像又有

眞仙廟

上洞下洞 在縣西詹村二洞相對上洞有石乳如蓮下洞潭深無底可資灌溉

老虎洞 在縣北二十里分水嶺洞口有亭供大士像

紅石洞 在縣北三十里小和山廣數丈逶迤數里鐘乳甚多擊之如鐘磬

蒼莆洞 在縣北十里

水龍洞 在縣東北三十里

涼傘石 在縣東三十里天馬山下

臥虎石 在縣東六十里

香爐石 在縣東六十里

女兒石 在縣南黃蘗鋪有石數百步輿馬難行相傳倪氏女施財鑿爲坦途刻記路旁遂名

建德縣志

卷之二

輿地
山川

二十七

龍頭石 在縣南四十里水中突起丈餘似龍波流搏擊錚然有聲

獅子石 在縣南四十里有飛瀑可療病見古蹟

鹽包石 在縣南沙溪桃墅坑

兔兒石 在縣南羅家亭河干形如兔尾耳悉具

金雞石 在縣西詹村金雞湖中見古蹟

和尚石 在縣西詹村沙陂灘以形似故名

鯉魚石 在縣北二十里宛然一魚土人以魚之低昂驗歲之豐

歉

笏子石 在縣北三十里大和山兩石相倚屹立數丈土人每于上元日驗石之左右燥濕以下旱潦

筆架石 在縣北三十里和山洞下洞泉由此三分水道

紗帽石 在縣東南一百二十里蘇村保虎溪中

佛石 在縣東北廣陽山西峯亭石形似佛

天津峽 在楊林神童嶺 樟樹峽 在木田鋪

江桓山記

邑治之南玉峯在焉所謂來幔亭過婺水蜿蜒千里結秀於茲者非誣說也其相近為亭子嶺望江一峰乃其過脉東折為灣濤連岫為天馬折而西南為鷺臺與南臺相峙北臺相應每長至元旦 聖節祝釐者恒在焉其東南為官池山峙於堯城溪東為之外護沂溪而上曰東山飛瀑若簾號夫子巖孔相國扁之曰逝者如斯鄭冢

建德縣志

卷之二

輿地
山川

二十八

宰以詩記亦勝槩也其山之最高曰木坑嶺俯眺官池諸山若小兒伏其下計程則去邑八里矣邑治之北白象銅魚皆取形似脫龍洞有遺墨差可辨識怪石峻峭松株叢蔚溪水環之遊人亦多錯趾數十武有蘭臺諸山避市喧而卒業者在焉北臺去新學一里數仞起於平原鎖邑水口相近為眠象在彭婆橋北又十里為查嶺無可取者二十里為和山一洞一亭俱為幽勝李和岡之號殆取諸此花山一峰挿天如畫歷山雄峙渡皖江望之儼然龍池凜冽所求必應若廣陽山三角尖為縣治來脉其山巖峭而卓厲人跡罕到近時男婦所藉以避兵者四十里為八公山牽牛嶺在查册橋之西建東之衢路也邑治之東近城為馬鞍山又二里為雞鳴傳為葛仙修煉處踰低嶺而東為寶峰山有石如佛故寺名石佛堯子山乃李公立葬處過談溪為橫山天井坂孔姓之下關也陽塢上洞水不竭田家賴之華蓋五龍二山皆隸堯封其北為列疊山山形迴繞為貴東二邑之所共者筆頭山踞羣峰之巔其趾為獨山又十里為鳴山南為羅家山東峰尖大江如髮瀾望百數十里東南二坑皆兵燹所弗及也高嶺而東為葛公山相近為留山蓋葛源南源二水交合之處又東為玉笋山孤特秀拔東為了髻山山兩峰如美人螺髻石門溪之東為三面山昭明祠在焉巨石屹立高廣數尋山笋白色若象鼻然為大老鍾靈之地非偶也其界於貴池為石門嶺高者為仙女嶺齋心致禱必有澍雨之應良禾嶺路達祁嶺高徑狹故鼎革以後震隣之虞罕有罹其災者去邑治三里為西山與東南諸山作拱揖狀若列戟然迤而南為梅山峻嶺茂林溪水清澈自昔多高賢至止其西為雲峰又西為

龍塘嶺蓮廣踰數畝不知爲何代之植也又西爲石印洞與青山相對爲扞門華表形家謂水口外山卑伏科名之盛旋就衰歇如蒼埠楮潭一帶培補詎可已哉西北爲石龍山西爲龍潭山各距邑二十五里陽老尖西峰禪師之塑像在焉雲氣膚寸所合雨遍郊原自堯封而上百二十里山著名者得二十五爲嶺者十餘其以色名者如赤木在蛇冲赤土縣南百二十里白濃南九十里之山是也以靈異名者如獅子在坦頭龍溪邑南百一十里有三聖祠九鳳南四十里虎岡南一百里之山是也以仙釋名者如茶酒南百二十里相傳楊李二仙會飲處道仙在南庄村捉鐘南一百一十里傳普明禪師失鐘追尋至此乘龍南三十五里傳女仙乘龍之山是也以福慶名者如太平東南二十八里永豐東南四十里上有平岡久雪不積南豐南四十里三峯並列合於溪流吉祥南四十里之山是也石頂出泉故名石乳東南四一里蜂房於巖故名蜜崖東南五十里將軍以兩山對峙有威猛之形南四十里太元以形家卜吉有巍科之應二十一都相公傳宰相經過志流寓之榮南五十里地名塘下吉神以舊祠二十九都石山以無禾二十九都削藤在峽山村峽峯近焉志剪荆而創始崑山在蛇冲之西三峯一洞崑之爲言日先出而後暝也雙溪師源茶坑三嶺各以其地杉樹南百三十里楊梅南九十里梓木在峽山又以其土之所宜者貴衝嶺在大河之南桃墅則建浮通衢也奎峰在美人坂筆峰在祥林村卽簪子尖筆架五峰並立距邑南三十五里魯家尖羅筆尖距邑南百二十里楊伯尖爲最遠皆地之介於南者封門尖在南二十五里建巒宮時梅花道人識語所謂丁火熒然燭天反喜得位者也

建德縣志

卷之二

輿地山川

二十九

川

前河 一出桃墅領馬坑經雙河口 一出方嶺大坑經步頭村

一出抄溪九鳳山栗埠山經花果園總匯步頭灣過堯城由茹

蘭溪至石印洞七里湖達東流入于江

後河 自石門嶺發源過留山橫山匯雙河口繞禾山許家灘委

蛇百餘里由東邑張溪鎮達黃湓入于江

龍口河 在縣南百餘里其源三一出杠墅嶺達白石溪合東西

澗一出分流達黎痕合楊墅師源諸水一出大源小源山由龍

船灘合於茲河迤入饒州之獨山湖西達彭口入于江

茹蘭溪 在縣南五百步許其源出迎春朝霞兩洞西流入堯城

溪元邑令王晉卿建亭于其上見古蹟

宋梅堯臣徐元與見邀與諸君同遊玉峰山溪上作

春霽重行行行在墟里據懷厭樓觀寓興欣山水斷壁翠連雲寒流清見底主人開綠尊下馬臨芳芷澄溜瀉灣濤潛跳波生石齒園林始弄藝臯壠時鳴雉談讖忘機心笑言驚俗耳曠哉茲日遊何羨稽山美

明魏觀建德溪漲大作

久雨逢戊晴戊日雨不止羽氣淒乘宮土德淪不紀掩陰晦凝四野連蓄水絕壁洄衝波元材泚中泄下上鷗鷺馴浮沉蜃蛟喜田廬聚岑阿漁艇繫桑梓官租欲誰徵軍乏且無已爰覲昏墊情罔究疏濬理悠悠古聖人惟日思復起

柯薰蘭溪卽事

建德縣志

卷之二

輿地山川

三十

蘭溪溪上惠風和溪上行人發棹歌山錦堆紅留宿雨水文拖綠漾晴波壯懷豪放詩偏逸離思微茫酒漫多滿目青山成倦戀數聲啼鳥出烟蘿

譚石溪 在縣東三十里

石門溪 在縣東四十里有大石高十餘丈闊數丈光峭屹立如

門

孔尚濬歸舟次石門

家山送水向湖流湖上歸人恰倦遊水爲戀鄉猶附石山如招客解回頭萋萋灌木方鳴鳥每每原田正趁牛爲喜慈顏將咫尺逢人且莫話衷愁

堯城溪 在縣南五里舊有渡後造擊壤橋

沈壽民堯城觀渡

競渡千年事莫違幾人痛飲讀騷辭傷心屈子沈江日偏是今人笑舞時

柯舉安堯渡晚眺

晚溪天作畫一水淡如秋夕照留城角殘烟去渡頭
柳邊漁棹小竹外寺鐘幽歸市人爭望峰頭月半鉤

抄溪 在縣南三十里源出彭澤達東流入于江

昭潭溪 在縣南一百里卽饒河

龍泉溪 在縣南一百二十里與鄱邑石門接境

栲溪 在縣東南一百里

窮溪 在縣東南一百二十里

茶溪 在縣東南一百二十里

龍田溪 在縣西南一百二十里

建德縣志

卷之二

輿地
山川

三十一

北柵溪 在縣北四里有官渡元末羅友賢作亂築寨于此

西港溪 在縣南七十里隱山坂

陽烏潭 在縣東三十里

清潭 在縣南二十里

龍潭 在龍潭山寺旁澄清莫測陰晴之變達于煙雲旱禱多應

明景泰壬申大旱邑令傅霖徒跣致禱雨澤三日乃送水歸潭

謝之柯暹作聯云雨三日乃止求之與與之與水一勺之多出

乎爾反乎爾遂刻于潭之龍王廟一在北山村之南宋時龍洗

爲潭遇旱水沸卽雨闌干石尙在

碧潭 在縣北三十里迴龍山下

楮潭 在縣北十五里

小石潭 在縣北十五里有仙女井見古蹟

宋梅堯臣小石潭

樹老石連潭深烟翠入羣魚石下游獨鳥潭上立
泉暖草長綠山高風自急徘徊興不窮苔屐雲沾濕

臥虎潭 在縣北三十里

土橋溝 在縣南十里

道士溝 在縣西北七里

大小溝 在縣北三十里

建德縣志

卷之二

輿地
山川

三十二

北山溝 在縣北三十里

南豐港 在縣南三十五里南豐山下

冷水港 在縣西十五里詹村

歷寶港 在縣北七里

查册港 在縣北十五里

官港 在縣南四十五里

紅砂港 在縣東南一百里

黃荊港 在縣東南一百二十里

楊林港 在縣西南一百二十里

鐵爐港 在縣西南一百二十五里

古港 在九都古港鎮

華芝港 一名蘇芝港 在縣東六十里卽和村

葫蘆港 在崑山之東南

三望灘 在縣南十里卽三望潭

百步灘 在縣南十五里

亂石灘 在縣南三十五里步頭村口亂石屹立如人物狀

沙灘 在縣南五十里一在縣北五十里

鵝嶺灘 在縣南一百里

建德縣志

卷之二

輿地山川

三十三

羅家灘 在縣東南一百二十里

長灘 在縣西南一百二十里

許家灘 在縣西北四十里綿亘百餘畝

百子洲 在縣北四十里有土墩數百

嚮水灘 在縣西一百三十里

義井 一在縣治東一在西門外

仙姑井 在縣北二十五里汲水聞人聲則沙泥湧出一在唐山

寺西峯泉側

桃花井 在縣東四十里關口

師源 在縣東南九十五里

黎源 在縣東南一百三十五里

東西澗 在縣西南九十里

石澗 在縣南一百一十里石澗坂

阮澗 在縣東南一百二十里

仙姑泉 在縣北三十里和山下相傳洞內有金杯牙箸為仙姑

聖蹟其泉灌蔭千畝不竭味甘美飲之愈疾傅愈茂建濯斯亭
于其旁

井頭泉 在茅亭鋪旁水甘美行人賴之

建德縣志

卷之二

輿地山川

三十四

司徒泉 在余公廟東

冷水泉 在高嶺半腰 張接三 江佩玉 作亭于左

酒泉 在展象塢孔貞會築亭于其上

西峰泉 在唐山寺後旱禱多應

活泉 在縣南四十里果園村後其水味甘而流不竭

涂家埠 在縣西二里

徐紫芝涂家埠晚泊

風逼夕陽淡迷茫暮色微倚篷看月上轉棹帶星飛
鐘動幽溪寺漁喧隔浦磯老懷吟不寐忘却冷加衣

江桓川記

茹蘭溪在縣治南發源於鄧家山高低二嶺之水匯之至崇義橋官田往後之水匯之過灣濤山紙坑山諸水匯之過北門城內三眼塘城外錢家冲諸水匯之至陳家埠蘇家嘴匯於前河入于江前河堯城溪北柵溪在縣南發源於瓦窰坑經過鄱陽坑至桃源茶婆嶺諸水匯之至雙河口店頭之水匯之至秧田坂抄溪嶺諸水匯之過馬至埠頭灣南溪諸水匯之至楊村湖東西參諸水匯之至黃泥岡冲坑山之水匯之然後至堯城溪董家橋永樂橋水匯之至蘇家嘴茹蘭溪水匯之至北柵溪雲峰山彭婆橋水匯之至蒼埠灣合大小二溝之水至七里湖是為前河走於東流入於江後河石門溪談石溪在縣東六十餘里發源上蜜菴過吳村至汪王廟麻林港水匯之至楊樹林龍池洞水匯之至青松菴規溪水匯之過大坡紙泉坑水匯之過留山至魯公堰葛源之水匯之至橫山談石溪六都嶺天井南山灣諸水匯之至東流雙河口堯封洋湖陂諸水匯之為後河自張家灘達於黃盞入於江饒河龍口灣溪昭潭溪在縣南九十里發源於分流過木塔曹家塆畬獅之水匯之過黎痕劉村姚家塆水匯之至占村茶坑水匯之至蘇村坂巧坑梓檀之水匯之此為東河至水口薛家埠坦頭至官營西河之水匯之再至龍口灣溪又十里過昭潭溪至於石門桐子渡水匯之至鄱陽線州出口匯於彭蓋入於江

葉蕃山川紀畧

建德縣志

卷之二

輿地山川

三十五

建邑四境儉于西北豐于東南自北而南袤長一百七十里自東至西廣八十里山分四列水別三條其山來幔亭過婺水由浮梁至桃墅為邑之東偏實境內諸山發源之始支之行於北者則由良禾嶺仙寓嶺石門嶺了髻嶺蜈蚣嶺雞頭嶺悉界徽之祁門池之貴池至列疊山而界東流其隨境著名者為鼎華為葛公為留山為五龍為橫山為華蓋諸山可依次而紀焉自桃墅南行者由分流而羊角山雄橫嶺洋井嶺拍馬嶺洪墅嶺梓木嶺衍于毛岡接於香爐山皆界連浮鄱其著名者為筆峯為峽峯為花尖為大小源為削藤諸山其小支為牽牛嶺為石痕嶺由桃墅中出析嶺桃嶺安居嶺嵐嶺了髻嶺爐坑嶺阻于三渡港西接魯峯東至歐陽嶺阻于海馬堰復南接西冲山錫山過紅旂界東至大嶺又東南至新田坂入于鄱境山以外皆與彭鄱界其隨山著名者為西峯尖為東福勝為貴峯尖為茶酒尖為陽伯尖為昂為道仙諸山北支自九鳳山抄溪山冲坑山梅山青山至板冲嶺而衍于詹村與彭澤東流界連其中著名者為封門尖為西山為雲峯山為石印洞諸山桃墅經茶婆山之北支由方嶺松嶺北至高嶺低嶺起廣陽山折而南為鄧家山又折而西至馬鞍山遂結秀為縣治坐白象山灣濤峙其東玉峰聳其南銅魚護其西天台擁其北以北台為北門鎖鑰此縣治之所以永固皇圖也由高低嶺東北行之山自查嶺繞沈家山至歷山及牽牛嶺入東流境其隨山著名者天台之北則有花山三角尖八公山諸山玉峯之南則有望江峰夫子巖天馬官池諸山層巒疊嶂悉拱衛乎縣治

山分四列之大略也兩山之內必有大川邑治處西北之偏故以治之北爲後河以治之前爲前河南條之水爲龍口河而茹蘭溪及諸小水不與焉後河發源于邑東六十餘里之上蜜菴西過吳村至汪王廟蘇芝港水東南匯之至楊樹林龍池洞水西匯之至青松菴錦溪水西匯之至大坡紙泉坑水西匯之過留山至葛公鎮葛源水東匯之以出石門嶺故名石門溪至橫山又名談石溪六都嶺南山灣高湖坂諸水西匯之天井水東匯之至雙河口堯封奠龍北山諸水東匯之由是趨和山過馬田繞黃田經東流之張溪鎮匯于黃湓入于江前河在縣東南七十里西發源于鄱陽坑東發源于馬坑經桃源與沙灘水合爲雙河口過馬坡至步頭灣方嶺南溪諸水東注之至秧田坂抄溪何家山諸水西注之至楊村湖東西衆諸水交注之至黃泥冲坑山水西注之至堯渡木坑山永樂橋水東注之至蘇家嘴茹蘭溪東注之雲峰水南注之由是過赤頭繞石印洞茅亭湖小楮潭黃泥湖西匯龍王湖仙人湖北過東流之順風嘴至東流口入于江南條入彭蠡之水曰龍口河又名昭潭溪有二源其一發源于縣東南九十里之分流過木塔祝家山水北入之至曹家壩畚師水南入之過黎痕劉村姚家塢水南入之簪溪水北入之至占村茶溪水南入之至蘇村栲坑梓桐塢水交入之過水口又南合楊墅水曰雙溪經東陽橋至薛家埠是爲東河其一發源于縣東南八十里之龍墅至毛桃坂李士坑水南屬之至白石口名白石溪南溪水屬之過高坦長冲水政坑水交屬之至潒水灣仰家橋西受二溪之水至闕陽西受雞籠山之水至遶山西受袁家山之水至西陽東受隱山之水西受

建德縣志

卷之一

輿地山川

三二十六

安居之水至龍口灣名龍口河與東河會于薛家埠至永豐西受楓樹橋官營諸水東受師源之水至鹽田東受大板橋諸水至龍泉灣東受龍泉溪之水香爐山與石門鎮對岸中爲龍泉灤自此入鄱界名饒河其西又有二河一由大源山過楊村東會貴峰水至雙港西合石隴源三渡港魯峰經青山橋諸水歷港東英林至葫蘆港入鄱境一由海馬堰至峽山口西合紅旂界水經壩港至蓮花洞入鄱境俱入饒河茹蘭溪者在縣治南發源鄧家山東會高低二嶺水又東受官田水過崇義橋灣濤山又東受紙坑山水此水原繞玉峰麓經南門之廣濟西門之應岐二橋抵北門東會城內水又東會城北錢家冲水繞銅魚山至蘇家嘴入于前河此又水別三條之大略而諸水得以備詳者也蓋建本山邑鍾淳峙之秀每出名賢邇來人稠土窄種植有賴于山每當山洪迅發河淺沙淤不無遠慮茲因紀其大畧兼及時務以俟後之君子

水利

茅亭湖

在縣北十里

黃泥湖

在縣北十五里

檀光熿黃泥河泛雨

秋湖寬似海一艇大如杯雨作風波黨烟爲天水媒菱鋪村落遠篙點樹陰開家在蒼松嘴長年莫浪猜兩膝無容處騎危萬里波遙看疑落葉獨坐似披簑漁火螢

明滅人烟鷺逶迤同
渾見慣風雨打狂歌

楊潭湖 在縣北十五里

查册湖 在縣北十五里

龍王湖 在縣北二十五里

坦口湖 在縣西二十八里

泉水湖 在縣北二十五里

金雞湖 在縣西二十里

建德縣志

卷之二

輿地山川

三十七

仙人湖 在縣北四十里

宋建炎間羣仙泛舟于此故名誤爲鮮魚湖

官池 在堯城渡

石印池 在縣北柵村

梔田池 在縣北五里

蒼埠池 在縣北八里

馬蹄池 在縣北十里

半月池 在大板泗田村內

致遠池 在觀音橋

大陂 在一都內

由石門嶺發源匯和村錦溪之水溉田三百畝

小陂 在一都內由大陂匯關前之水溉田五百畝

魯公陂 在一都內越留山波八里匯關前合塢白果冲葛源諸水溉田八百餘畝

潭石陂 在一都

查林陂 在一都

龍潭陂 在一都

留山陂 在一都留山寺前匯小陂以下之水溉田八百餘畝

客橋陂 在九都坂

豐樂陂 在舊十一都

檀陂 在十二都

建德縣志 卷之二

輿地山川

青山陂 在十四都一在大板保

西山陂 在二十九都

黃家陂 在二十九都

茶坑陂 在舊三十四都

方村陂 在舊三十七都

永豐陂 在舊三十八都

班藍陂 在縣南

楊湖塘 在一都

熊石壠塘 在一都

盧村塘 在九都圍園五丈深六尺零

劉師塘 在十一都 俗誤螺螄塘週圍三丈六尺深八尺

牛食塘 在十一都

高荷塘 在十二都西叅

方家塘 在十二都

松林塘 在十四都

古塘 在十四都一在二十五都

官塘 在十四都

方塘 在大板保

建德縣志 卷之二

輿地山川

灤塘 在二十七都

大塘 在二十七都 自來水達河環遶十餘里

梅塘 在二十五都

七里塘 在二十七都 在二十七都塘之東在二十五都周匝田畝彼此照舊灌溉

孟家塘 在二十七都

成子塘 在二十七都

魚陂塘 匯大塘水上下灌田二千餘畝

東呂塘 在筆峯下

龍塘 在占村

楊樹塘 一在官田坂一在葛公陶家冲

竹蔭塘 在上鄉占村 長四丈寬二丈五尺

藕荷塘 在島山

堯封塘 在一都

檀家塘 在中鄉 長五丈五尺深九尺

未山大塘在下鄉 圍四丈深一丈

官營塘 在二十七都 圍五丈四尺深五尺

大一坂塘在二十九都 圍五丈七尺深七尺

新灣槎塘在二十九都 圍六丈三尺深六尺

建德縣志 卷之二 輿地山川 四十

畢家坂塘在坊市都 圍五丈七尺深七尺

大塘 在邵家壠灌溉三百餘畝

松田坂塘在坊市都 圍六丈五尺深五尺

新田坂塘在二十九都 圍七丈八尺深八尺

金家壠塘在二十五都 圍五丈四尺深六尺

官倉塘 在十四都 圍七丈七尺深七尺

傅家塘 在一都 圍一十二丈五尺深七尺

鋪基塘 在二十七都遶山鋪

涼傘堰 在一都天馬山 長三丈五尺寬六尺

石陂堰 在一都 長二丈八尺 深七尺

陳村堰 在葛公 長四丈二尺 寬八尺

禾城堰 在一都 長三丈二尺 寬六尺

河塘堰 在九都 長二丈八尺 深七尺

檀陂堰 在十四都 長二丈七尺 寬九尺

新堰 在東門坂 長四丈 寬五尺

紫埠堰 即冷水港 長二丈 寬七尺

冷水堰 即冷水港 長二丈 寬七尺 一在縣東六十里

王家堰 在歷寶山 長三丈 深七尺

建德縣志 卷之二 輿地 山川 四十一

雙港堰 在二十七都 長三丈五尺 寬八尺

傅家堰 在官田坂 長二丈五尺 寬八尺

水車堰 在蘇村保內 壅水推車不用人力 長三丈 寬六尺 五寸

關王堰 在十一都

溝灣堰 在二十七都

猴灣堰 在桂源村內

青山堰 在二十五都 石榴園側

柳樹堰 在二十五都

水澗堰 在縣南一百二十里

盤石堰 在二十九都楊林

劉海堰 在二十七都

朱家堰 在二十五都

永濟堰 在二十九都大坂保 長一百二十丈寬八尺

江家堰 在一都 長四丈寬一丈一尺

魚鱗堰 在一都 長二丈五尺寬八尺

姚家堰 在下鄉 長四丈二尺寬二尺

長生堰 在二十九都

豐樟堰 在二十九都

建德縣志 卷之二 輿地 山川 四十二

羅茅堰 俱在二十九都

牛車堰 在縣東葛源 長六丈八尺寬二丈四尺

夾堰 在觀音橋

黃家堰 在二十九都

儲備堰 在二十五都小嶺保

西岸堰 在縣南四十里 高丈餘闊三丈許引馬鞍東谷之水灌田三百餘畝

楮林堰 在縣東六十里

柿陂堰 在縣東六十里

洋湖堰 在縣東三十五里

蔡家堰 在縣南一百二十里三十一都圍八十丈深八尺

新建堰 在十四都白泥塘鄭姓下首

東窟 在縣西詹村保

青山黨 在崑山之東南

護龍洲 在縣北四十里

水脚碑文附

署江南池州府建德縣正堂加三級孫為竹禪之水脚公定牙舖之秤斛較準詳請 憲恩飭遵垂久永利商民事乾隆二十一年六月

初一日奉 本府正堂寶批本縣詳定餉運米穀豆麥煙酒等項貨物水脚並牙舖秤斛較準畫一 一案緣由奉批據議餉戶裝載客貨水脚各條均屬平允仰飭照册勒石遵守至裝運貨物自應聽從客便毋許餉戶挨號裝運任意留難索詐而牙舖亦不得將斗斛行秤違例加增致啓爭端即一併永禁如敢故違立即查拏詳究毋違繳册存等因批行到縣奉此除原呈原册併各遵依甘結粘卷鈐印立案外合行勒石永禁爲此仰各牙舖餉戶諸色人等知悉嗣後遵照 憲批詳定後開水

建德縣志

卷之二

輿地山川

四十三

脚各條併較準斗斛行秤各相公平永遠遵行如敢故違立拏嚴究特示

計開詳定各條規列后

每裝載米穀豆麥只實一石毋許加增重斛同斛違者拏究

上水餉脚

雜貨每餉照米豆脚價以十石計算

大橋下至洲尾

米豆芝麻菜子小麥每石時銀五釐光穀大麥毛穀紅占穀菜餅每石四釐鹽每百包時銀三分

烏樹下

米豆芝麻菜子小麥每石時銀七釐光穀大麥毛穀紅占穀菜餅每石五釐鹽每百包四分

涂家埠

米豆芝麻菜子小麥每石九釐光穀大麥七釐毛穀紅占穀菜餅每石六釐鹽每百包五分

雲峯山

米豆芝麻菜子小麥每石一分二釐光穀大麥九釐毛穀紅占穀菜餅每石七釐鹽每百包五分

孫家山

鹽每百包六分

赤頭

米豆芝麻菜子小麥每石一分四釐光穀大麥每石九釐毛穀紅占穀菜餅每石九釐鹽每百包七分

石印洞 米豆芝麻菜子小麥一分六釐光穀大麥一分二釐
毛穀紅占穀菜餅一分一釐鹽每百包八分

馬蹄灣 米豆芝麻菜子小麥一分八釐光穀大麥一分四釐
毛穀紅占穀菜餅一分三釐鹽每百包一錢

楮潭 米豆芝麻菜子小麥二分二釐光穀大麥一分八釐
毛穀紅占穀菜餅一分六釐鹽每百包一錢二分

小水潭 米豆芝麻菜子小麥二分二釐光穀大麥一分八釐
毛穀紅占穀菜餅一分六釐鹽每百包一錢三分

沙灘灣 米豆芝麻菜子小麥三分光穀大麥二分
分五釐毛穀紅占穀菜餅二分二釐

綱窰 鹽每百包一錢四分 大小溝 鹽每百包
冰石橫路一錢六分 二錢四分

東流口 米豆芝麻菜子小麥五分光穀大麥四分毛穀
紅占穀菜餅三分五釐鹽每百包二錢八分

下水簾脚 烟葉每簾額裝七件菜
油每簾額裝四大桶

大橋下至洲尾 烟油每簾
時銀四分 烏樹下 烟油每簾
四分五釐

建德縣志 卷之二 輿地 山川 四十四
雲峯山 烟油每
簾六分

涂家埠 烟油每
簾五分 石印洞 烟油每
簾一錢

赤頭 烟油每
簾八分 楮潭 烟油每
簾一錢八分

馬蹄灣 烟油每
簾一錢二分 沙灘灣 烟油每
簾二錢八分

小水潭 烟油每
簾二錢四分

東流口 烟油每
簾四錢

上下水脚錢數定規
上水每銀一錢給發七十六文

下水每銀一錢給發七十八文

以上各條俱經酌議詳定均屬公平永遠遵守倘簾戶留難索

詐牙舖違例加增許諸色人等指實稟報立拏詳究不貸

江口埠頭碑文

江南池州府為函詳疏商濟民查究遏糴以裕糧儲事據建德縣申稱前緣與東流黃齡等爭埠詳道詳各憲蒙府遣飭府

審訊蒙府審勘而建達東兩壤相接實為唇齒之邑雖東則濱大江而建稍僻居內凡有糧船自外至者必由東入建因地勢使然也因是建牙每抵東境以接米谷客船然其間彼此各埠原設有碑示不得阻越后碑廢而東以建為侵越建即以東為阻截釀隙非朝夕矣適今二月間建牙江貴浩於東之河口接有客船旋駕二石於民王科而價較浮時值三分科復詢之東牙黃齡等遂乘機與天慶口角遽執其斛隨報地方黃九萬鳴之東令此貴浩等所以歸回通諸建民柯鄭陳等交愬於建令該縣爰有是評耳夫以罪而論在天慶固不應昂價在王科尤不應奪斛除責做外但揆厥隱情雖開於糴稻隙實成於爭埠非得憲示嚴行飭禁仍照舊立碑各管原埠永遵勿違爭端不絕也具文申詳荷蒙憲批汪天慶昂價王科奪斛如詳責做仍飭禁遵照舊碑管埠繳憲批到府建東二縣仍照舊址處所公同勒石永遠遵守蒙此理合遵依兩縣公同勒碑豎立原埠江口永杜後爭各宜恪守毋致敢違須至碑者康熙二年十一月 日建德縣知縣高寅東流縣知縣蔣文應立

散輪利商批示附

建德縣知縣陳為公懇散輪永除挖竊以利商賈事據合邑士民稟稱緣建邑僻處山陬原倚堯渡埠頭水陸通衢以

建德縣志

卷之二

輿地山川

四十五

為合縣經營之門戶其如山河源淺未獲長年暢注若逢夏秋外江水漲客船均可運貨直抵埠頭即本境所產茶烟亦可隨船販運出江若冬春兩季山水淺凡往來客船均須竹簾運送已蒙前憲詳府示有成規載入志籍近來簾戶狡猾復又議加工價在當簾戶者者于中獲利不為不厚所以每年冬兌漕糧均由該簾頭派令簾戶分運大船交納屆期俱赴捕廳衙門拈圖派輪原因糧運有序以杜裝多運寡舛前訛後之弊至裝載出入客貨並非運糧可比自應聽客選擇僱載庶令小心轉運無如近日簾戶賢否不等每遇代客裝運鹽糧摻沙發水茶烟雜貨設計挖竊甚至與客狡賴滋事公然倚仗糧運次序把持裝載為今之策惟有公額憲恩嚴行曉諭嗣後冬季漕糧仍遵舊規派圖輪運除運糧之外裝載出入客貨悉聽商賈選擇裝運不許簾戶把持倘有仍蹈前轍俱令簾頭簾戶分賠並計賍治罪則諸弊不除而自除矣情據此除批示外合行曉諭為此仰簾差簾頭並各簾戶各宜凜遵毋違特示道光三年三月二十日

新訂上下水簾脚並告示建德縣知縣李

為

出示嚴禁以垂永久事據堯渡保職商張亦懋等稟稱建德縣治距東流江口四十二里水漲船隻方能抵埠水退則雇竹簾裝運向來進出客貨均係聽客雇簾並無把持挾幫等弊厥後簾戶刁詐挾眾揆幫任意增價偷減貨物弊竇叢生先於乾隆年間疊稟前縣前憲示禁並疊詳前府憲張批批准勒碑永禁載在縣志嗣後恪

守無異迨兵燹後山裏各商裝運貨物仍照舊章惟城內外各商又被各罈戶把持依舊挨幫商等以山裏山外辦理兩歧曾於光緒十四年冬月摹碑三紙公請前縣憲蕭援案申禁奉批豎碑嚴禁在案詎知遵行未久故態復萌胆敢彰明揭帖糾約挨幫復於光緒十七年臘月摹碑稟請前縣憲黃重申嚴禁各在案十餘年來均係聽客雇罈其水脚按照水次八折制錢給發均有成例可循尙無違示挨幫偷竊發潮等弊不料去冬林胡鄭三姓罈頭糾約各罈戶在天和軒茶館結盟立約依舊挨幫勒增水脚且揚言不挨幫則毀其罈不加價則卡其貨氣燄洶洶誰敢與較臘底果由東流挨得頭幫罈戶汪愷元運鹽抵埠作弊甚多職商責其違示竟敢肆口狂吠自認三姓立約毫無忌憚竊思挨幫則壟斷居奇災害並至指雇則各圖主顧流弊可除况近年市面蕭條比前尤甚若再聽罈戶恃強剝削商何以堪似此屢禁屢抗其強橫藐法可想而知爲此粘呈摹碑叩請加示嚴禁並懇拘提林四求等到案懲究等情到縣據此除批示並一面飭傳該罈頭林四求等到案遵章具結外合亟加示嚴禁爲此示仰各該舖戶商民人等一體知悉嗣後該舖商等如有買賣貨物無論進口出口仍聽照舊雇罈隨時裝運該罈戶等務各遵照舊章領價不得勒增水脚更宜各圖主顧亦不准妄議挨幫以及私取各貨偷漏發潮希圖侵蝕自示之後該罈戶等倘敢復萌故智玩抗不遵應准該職商等隨時稟究決不姑寬其各凜遵毋違切切特示光緒三十三年二月初六日示

建德縣志

卷之二

輿地山川

四十六

各埠水脚每石價目列后

胡家埠

十六文

小水潭

六十文

雲峯山

三十二文

黃泥蓬

八十文

赤頭

四十文

冰石

壹百文

馬蹄灣

五十文

東流口

壹百二十文

楮潭

五十五文